



Broj: T01 0 KT 0044593 23

Dana, 14.01.2025.godine

OPĆINSKOM SUDU U BIHAĆU

Sudiji za prethodno saslušanje

Na osnovu odredbe člana 45. stav 2. tačka h), a u vezi sa odredbom člana 241. stav 1. i odredbe člana 350. stav 1. i 2. Zakona o krivičnom postupku F BiH, **podizem:**

O P T U Ž N I C U

PROTIV:

K. DŽ.

DA JE

Dana 22.10.2023.godine, oko 12,10 sati, u B., u ul. dr. I. Lj., na magistralnom putu M-5, upravljajući prijevoznim sredstvom – putničkim motornim vozilom marke Opel, model Vivaro, registarskih oznaka (...), svjestan da kao učesnik u prometu ne pridržavajući se prometnih propisa može ugroziti javni promet dovodeći u opasnost život ljudi, ali olako držeći da takva zabranjena posljedica neće nastupiti, postupio suprotno odredbi člana 27. i člana 96. Zakona o osnovama sigurnosti saobraćaja na putevima u BiH („Sl. glasnik BiH“ broj:6/06, 75/06, 44/07, 84/09, 48/10, 18/13, 8/17, 89/17, 9/2018, 46/2023 i 88/2023), tako što je, krećući se navedenom ulicom iz pravca ulice B. u pravcu naselja K., iza putničkog motornog vozila marke Volkswagen, model Tiguan, registarskih oznaka (...), vlasništvo B. M., a kojim je upravljao B. M. i koji se kretao istom kolovoznom trakom u istom smjeru, nije pratio saobraćajnu situaciju ispred sebe niti je držao minimalno potreban sigurnosni razmak u sljeđenju, kada je vozač B. M. zaustavio vozilo kako bi propustio vozila iz suprotnog smjera i otpočeo radnju skretanja u lijevo prema pekari „O.“, pa je tako došlo do stražnjeg naleta prednjeg dijela vozila marke Opel, model Vivaro, registarskih oznaka (...) na zadnji dio putničkog motornog vozila marke Volkswagen, model Tiguan, registarskih oznaka (...), sa punim preklapanjem, pri čemu je vozač tog vozila B. M. zadobio teške tjelesne povrede izražene u vidu preloma desne jagodične kosti sa krvnim podljevom desne očne regije i preloma desne gornje vilice sa krvarenjem u sinus gornje vilice i krvarenja iz nosa.

Dakle, iz nehata, kao učesnik u prometu na putevima nije se pridržavao prometnih propisa i time tako ugrozio javni promet da je doveo u opasnost život ljudi, pri čemu je prouzrokovana teška tjelesna povreda jedne osobe.

Čime je učinio krivično djelo Teška krivična djela protiv sigurnosti javnog prometa iz člana 336. stav 3. u vezi sa krivičnim djelom iz člana 332. stav 3. KZ FBiH.

Na osnovu iznesenog predlažem da naslovni sud, bez provođenja glavne rasprave, donese presudu kojom se optuženi oglašava krivim i izda slijedeći;

KAZNENI NALOG

Optuženom K. Dž., sa ostalim podacima kao u optužnici, zbog krivičnog djela Teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. KZ FBiH, izriče se :

UVJETNA OSUDA

Kojom mu se utvrđuje kazna zatvora u trajanju od 6 (šest) mjeseci i istovremeno se određuje da se utvrđena kazna zatvora neće izvršiti, ukoliko optuženi u roku od 1 (jedne) godine od dana pravosnažnosti presude ne počini novo krivično djelo.

PRIJEDLOG dokaza koje treba izvesti

- 1. Da se ispituju vještaci:**
- 2. Da se saslušaju svjedoci:**
- 3. Da se pročita:**
- 4. Da se izvrši uvid u:**

REZULTATI ISTRAGE

Dokazi koji potvrđuju navode iz optužnice:

KANTONALNI TUŽILAC